



Broj: 02-11-843/22-AP-9
Datum: 06.04.2022. godine

Na osnovu člana 88., člana 70. Stav 1., 3. i 6. Zakona o javnim nabavkama („Službeni glasnik BiH“, broj: 39/14), člana 29. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Općine Zavidovići“, broj: 4/2021 i 5/2021) i člana 39. Statuta općine Zavidovići («Službeni glasnik općine Zavidovići», broj: 5 /2008, 5a / 2008 i 11/2019), te preporuke Komisije za javne nabavke, u predmetu odabira najpovoljnije ponude dodjele ugovora o javnoj nabavci usluga „Izrada glavnog projekta rekonstrukcije cestovnog mosta preko rijeke Krivaje u naselju Maoča i izrade vodne studije za prethodnu vodnu saglasnost“ Općinski načelnik, d o n o s i

ODLUKU

Član 1.

Ponuda ponuđača „CPK“d.o.o. BANJA LUKA za javnu nabavku usluga „Izrada glavnog projekta rekonstrukcije cestovnog mosta preko rijeke Krivaje u naselju Maoča i izrade vodne studije za prethodnu vodnu saglasnost“, sa ukupnom cijenom od 8.390,00 KM (slovima: osamhiljadatristotinedvedeset i 00/100 KM) bez uračunatog PDV-a, odnosno 9.816,30 KM (slovima: devethiljadaosamstotinašesnaest i 30/100 KM) sa uračunatim PDV-om, se prihvata kao NAJPOVOLJNIJA PONUDA.

Član 2.

Izabrani ponuđač ima obavezu dostavljanja dokumentacije propisane tenderskom dokumentacijom (u originalu ili ovjerenoj kopiji) u roku 5 (pet) dana od dana prijema Odluke.

Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 4.

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. Stav 6. Zakona o javnim nabavkama.

Član 5.

Ova odluka stupa na snagu danom donošenja.

O b r a z l o ž e n j e

Odlukom Općinskog načelnika broj 02-11-843/22-AP-3 od 16.03.2022. godine pokrenut je postupak dodjele ugovora za javnu nabavku usluga „Izrada glavnog projekta rekonstrukcije cestovnog mosta preko rijeke Krivaje u naselju Maoča i izrade vodne studije za prethodnu vodnu saglasnost“, putem konkurentskog zahtjeva za dostavu ponuda.

Na adresu Općine Zavidovići do krajnjeg roka za dostavu ponuda dana, 01.04.2022. godine do 12,00 sati dostavljena je 1 (jedna) ponuda i to ponuda od ponuđača: "CPK" d.o.o. BANJA LUKA.

Komisija za javne nabavke zaprimila je pristiglu ponudu, izvršila otvaranje, te izvršila pregled i ocijenu ponude prema zahtjevima i kriterijima iz tenderske dokumentacije.

Nakon utvrđivanja sadržaja podnesene ponude, Komisija za javne nabavke utvrdila je da je pristigla ponuda ponuđača "CPK" d.o.o. BANJA LUKA, blagovremena i formalno ispravna - tehnički zadovoljavajuća, jer sadrži sve priloge tražene kao u sadržaju navedenom u tenderskoj dokumentaciji te je izvršila rangiranje ponuđača kako slijedi:

R/br	Naziv/ime ponuđača	Ponudena cijena bez PDV-a
1.	„CPK“ d.o.o. BANJA LUKA	8.390,00 KM

Ponuda ponuđača za javnu nabavku usluga „CPK“ d.o.o. BANJA LUKA u postupku javne nabavke usluga „Izrada glavnog projekta rekonstrukcije cestovnog mosta preko rijeke Krivaje u naselju Maoča i izrade vodne studije za prethodnu vodnu saglasnost“, sa ukupnom cijenom od 8.390,00 KM (slovima: osamhiljadatristotinedevdeset i 00/100 KM) bez uračunatog PDV-a, odnosno 9.816,30 KM (slovima: devethiljadaosamstotinašesnaest i 30/100 KM) sa uračunatim PDV-om, je ponuda sa najnižom cijenom, te se kao takva prihvata kao najpovoljnija, prema kriteriju za dodjelu ugovora utvrđen kao „najniža cijena“.

Cijeneći pravilnost provedenog postupka dodjele ugovora o javnoj nabavci usluga „Izrada glavnog projekta rekonstrukcije cestovnog mosta preko rijeke Krivaje u naselju Maoča i izrade vodne studije za prethodnu vodnu saglasnost“, te datu preporuku od strane Komisije za javne nabavke, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove odluke može se izjaviti žalba u roku od 5 (pet) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.

Dostavljeno:

1. Učesnicima u postupku
2. U spis.

PO OVLAŠTENJU OPĆINSKOG
NAČELNIKA broj 02-05-4/17-AP-73
od 03.10.2017. godine
SEKRETAR OPĆINSKOG
ORGANA DRŽAVNE SLUŽBE

Nermin Čahtarević, dipl. pravnik

Obradila:

(Sanča Mulahasanović)

Kontrolisao:

(Midhat Bajramović)